

體東西交媾滅三彭木金廝仗盤桓處嬰姪相隨自在行結就
金丹出頂上五光射透絲雲棚

喫酒賭錢

心遊閑散樂浮華放肆開懷是產涯飲酒莫教離孝順賭錢休
要壞居家道門好入時時重王法須遵可可奢平等能行方便
事也教隨我伴煙霞

學士勸學

宰予晝寢不堪看惜取光陰倦睡餐糞牖勤勞非取辱茅堂修
進敢求安隔窓映雪心常樂閉戶懸頭性自歡大志不須持一
寶孫公正好學倪寬

道藏輯要

重陽全真集

三

下胃集一
川一八

問曉達

搜開本有自分明放出真光滅盡情三寶決然攢正覺一靈何
慮不圓成得通妙用須澄湛會認玄微貴淨清堪做無爲雲外
客長生路上步前程

自述

殷紅瑪瑙闌中懸清靜玄中在眼前便把瑠璃安甲室更將琥
珀頓庚田四般珍寶牢收取三耀光中謹密傳此法得時空外
去彩霞深處步金蓮

問生死

常常知足善縱橫莫要深深戀火坑性上分明開兩路午前認

取打三更一真自顯靈光結七竅皆通瑞氣盈正合慈悲超法
界清涼路上得長生

友人獻酒

登途上路不由吾雲霧相招本性甦萬里清風常作伴一輪明
月每爲徒山青水綠程程送酒白梁黃旋旋沽今夜一杯如有
意放開紅焰照冰壺

友求清靜

黑雲散盡月偏明照耀塵寰滅有情煩惱不生全妙理是非去
徹出深坑山頭別有微風至心下重將小雪迎面壁散人知此
味道遙路上證圓成

道藏輯要

重陽全真集

四

下胃集一
川川川

榮華不著是良因遠遠非非眼界新八識精研通不夜五門光
顯照長春由斯更許超三界依此應令出六塵一朶金蓮歸上
界圓成永不墮迷津

贈友人

大道無言不可聞禪宗坦蕩乃同羣兩般打坐誰能悟一炷香
煙孰會分奪得三光真秀氣便消四大假紛紜團圓耀彩投空
外方得逍遙似白雲

友人求問

自然消息自恬然不論金丹不論仙一氣養成神愈淨萬金難
買日高眠紅紅火焰三峯透白白蓮花五葉鮮勘破行功無作